



ABDULLAH Ahmad Badawi membaca Yassin pada majlis tahlil Hari Pahlawan di Masjid Negara, Kuala Lumpur malam tadi. Turut kelihatan, Mohd. Anwar Mohd. Nor (tiga dari kanan).

um-31/7/2006

PM sertai tahlil Hari Pahlawan

KUALA LUMPUR 30 Julai - Perdana Menteri, Datuk Seri Abdullah Ahmad Badawi menyertai majlis tahlil sempena Hari Pahlawan di Masjid Negara di sini malam ini.

Majlis membaca surah Yassin dan doa selamat itu turut disertai Timbalan Menteri Pertahanan, Datuk Zainal Abidin Zin; Panglima Angkatan Tentera, Laksamana

Tan Sri Mohd. Anwar Mohd. Nor; Timbalan Ketua Polis Negara, Tan Sri Musa Hassan dan Presiden Persatuan Bekas Tentera Malaysia, Senator Datuk Muhamad Abdul Ghani.

Abdullah yang tiba pada pukul 7.35 malam kemudian menunaikan solat Maghrib dan Isyak bersama lebih 500 jemaah lain

yang diimamkan oleh Imam Besar Masjid Negara, Datuk Kamaruddin Zakaria.

Hari Pahlawan yang disambut setiap 31 Julai, memberi peluang kepada rakyat negara ini menghargai pengorbanan anggota perajurit yang terkorban demi mempertahankan dan menegakkan kedaulatan negara.